

杜

詩

闡

序

自古著書難注書爲尤難學
殖不富則援据不覈一難也
害辭害志穿鑿武斷二難也
摻別事類以博爲奇而不得

古人精意之所在三難也古
今注杜者無慮數十家如僞
蘇注之紕繆人皆知之惟趙
次公蔡夢弼黃鶴三家爲稍
優然猶不能無遺議焉其餘

又可知也。注書之最善者無如李善父子之注文。選然善傳於事類而邕精於意義。合之則雙美而離之則各有所偏甚矣。注書之難也。盧子文

留序二

子潛心學杜二十餘年所著
杜闡一書穿穴鉤擿直能取
古人精意於千百載之上舉
前此諸家卮詞曲說牽合傳
會之陋一掃而空之事類意

義兩者兼盡可謂至當而無
遺議者矣予觀近時人有注
李義山集者其用心至爲深
苦然予嫌其每章每句必牽
合曲証以爲爲王茂元令狐

絢事而發豈古人一生胷臆
中止有此一事而其平日感
物留連應酬摛屬別無寄託
乎恐猶未免於私心僻見而
未可以爲定論也若盧子之

注杜不遺臆解不務擊空語
而詳擇而精斯可尚也已矣
舊注叢雜蕪穢幾如雲霧之
翳白日得盧子一爲湔洗而
古人之精神始出少陵有知

當莫逆於千載之前不獨令
後之觀者曠若發矇已也
年家社弟魯超拜題

杜詩闡自序

乙巳秋余遭瘧甚客告曰世傳杜少陵詩子璋髀體
血模糊句誦之可止瘧予怪之繼而稽諸集乃少陵
戲作荅卿歌中句也遂輟藥杵將全集從頭潛咏之
未兩卷予忘乎瘧瘧竟止因知非荅卿歌中之句之
能止瘧而心乎少陵詩忘乎瘧者之能自己其瘧也
蓋心之爲用一也志乎此則忘乎彼者皆然也吾生
之憂患多矣非得一業焉以專攻其中則世之窮通
得喪身之生老病死皆得撓亂其智將奪其所可樂

者而日形其所苦顧優於貴者攻商賈優於遇者攻仕宦余病未能也猶憶余丁壯盛沉溺於雞林之業者垂二十年彼時朝諷夕披寒不爐暑不扇矻矻不少休雖非爲己之學而樂此不罷亦足以消磨歲月卽精神志氣得有所寄托而窮通得喪生老病歿果不足以介其懷自被放輟舉子業雞林之請讎自分非塲屋中人矣碌碌於此奚爲者於乙巳秋病間遂從事於少陵詩集云世稱少陵詩之難讀也古今註家奚翅數十顧有因註得顯者亦有因註反晦者一

晦於訓詁之太雜一晦於講解之太鑿一晦於援証之太繁反是者又爲膚淺凡庸之詞曰吾以杜註杜也則太陋况長篇而所發明者只一二言數首而所發明者只一二首其衆所曉者及之衆所不曉者仍置焉如是者又太簡予於雜者芟之使歸於一於鑿者核之使確於繁者約之使不多指而亂視於陋者澤之使雅於簡者櫛比而徧識之使不呈漏而又加以鎔鑄組織之功焉以意逆志旣又發其言中之意意中之言使當季幽衷苦調曲傳紙上而又旁羅博

採凡註家所未及者約千有餘條名之曰杜詩闡蓋
自乙巳至壬戌凡十八年矣何朝夕何寒暑不手是
編今日得授梓也亦曰吾生之憂患多矣藉是以忘
其所苦而得其所樂焉云爾過此以往則有觀堂左
氏一編在

康熙壬戌夏日盧元昌文子氏題於思美廬

杜詩聞第一卷目

登兗州城樓

對雨書懷

遊南池

遊龍門奉先寺

夜宴左氏莊

過宋員外莊

臨邑舍弟書至

南曹小司寇

贈李白

鄭氏東亭

望嶽

尋范十隱居

贈李白

題張氏隱居

石門宴集

陪李北海宴

登歷下古城

暫如臨邑

已上人茅齋

冬日懷李白

行次昭陵

贈比部

今夕行

春日憶李白

李監宅

鄭駙馬洞中

房兵曹胡馬

畫鷹

贈汝陽王

飲中八仙

奉寄韋尹

贈韋左丞

奉贈韋左丞

男智心

全載

孫守仁

馬均梁梓

杜詩關卷之一

同學王日藻却非氏闕

華亭盧元昌文子氏述

武林弟 璉漢華氏訂

遊兗州及東都齊州詩

開元末年至天寶五載

登兗州城樓

贈公父開爲兗州司馬
公省親之兗因而登樓

東郡題庭日南樓縱目初

領至

浮雲連海岱平野入青徐

孤嶂秦碑在荒城魯殿餘

四句縱目
會古意

從來多古意臨眺獨

躊躇

對雨書懷先邀許王簡

四句對兩

何四

海邊

太山之雲觸石出膚寸合不崇朝而天下今雲峯既峻
氣滿太虛潤澤九州之候也雲滿而雷作莫安處於暮

魚雷震焉而膏肓物之安處者不免於危有如此燕者
雷動而雨降莫自得於河魚雨驟焉而亦落物之自得
於有時失勢有如此魚者我對雨書懷誰質我懷亟望
王簿耳今日此酒雖無清聖庶幾濁賢但王簿未到座
上之酒雖設而未敢飲門前之車聲未聞方竊竊然其
聽益長者之車聲必有異猶恐其與雨聲相亂耳在我
走邀之意方悞泥濘在王簿騎馬而來何妨直到階除
哉○公平生稷契自命霖雨天下本其素志雲峯峻滿
太虛所謂書懷也季札如晉聞孫林父鐘聲曰夫子在
此如燕巢幕上懼猶不免而又何樂公見當時在位者
貪位固寵不知國事日非禍將及已乃泄泄處堂不免
雷翻幕燕也落河魚或作從上落下解如漢成帝時天
雨魚於信都京房占爲邪人進賢人疎玄宗開寶年間
休甫祿山表裏爲奸譬之魚爲陰物本在池中顛倒在
上爲驟雨落之亦見小人不
能久得勢也無非書懷之意

與任城許王簿遊南池

秋水通溝洫城隅集小船

二句道南池

晚涼看洗馬森木亂鳴

蟬菱熟經時雨蒲荒八月天四句南晨朝降白露遙憶舊

青氊二句遊池之感

南池秋水溝洫皆通城隅之間小船因集我與王簿遊此小船集而馬亦洗正當晚涼時也馬方洗而蟬尚鳴爭亂森木上也上有森木下有菱蒲菱熟時雨物之成功將退如此菱類蒲荒八月物之望秋早零如此蒲類白露既降節屛授衣遙憶青氊舊物足戀也○通溝洫水利修矣集城隅更治暇矣看洗馬知封守無警亂鳴蟬知人煙轉集菱熟經時知雨暘時若蒲荒八月知氣候不爽有簿如此論道經邦可也青氊爲王氏故物公自鄉貢不第越今數載回念父書空讀壯志未酬青氊之憶有耿然不禁者

遊龍門奉先寺

已從招提遊

一句完題下都寫宿

更宿招提境陰壑生靈巖月林散

清影天闕象緯逼雲臥衣裳冷

四句宿時景象

欲覺聞晨鐘令人

發深省

以覺意
結還宿

我逆龍門招提已得其樂矣顧山中幽致非宿不領宿時所聞者墜壑風生靈竊自饗宿時所見者疎林月照清影若散龍門高矣若天闢然象緯幾幾相逼招提靜矣若雲臥然衣裳冷冷侵人我始而遊繼而宿未幾覺矣人恍不覺雖有晨鏡不聞焉能深省我方欲覺故晨鐘一傳即發深省豈非欲覺者聞不欲覺者不聞能省者不聞亦省不能省者聞仍不省耶○龍門與大內對峙有若天闕天開自宜星拱何以曰逼他日曰妖星帶玉除是也故結曰令人發深省雲臥臥字實用如臥內之臥故對天闕李白雲臥對天書亦實用

夜宴左氏莊

風林纖月落衣露淨琴張暗水流花逕春星帶草堂

此聯承風

林

句檢書燒燭短看劍引盃長

此聯承衣露句

詩罷聞吳詠扁舟意

不忘

二句從左氏莊開一步結

夜如何哉。戶動林中。始生之月已落。衣沾露裏。如拭之
琴初張。而夜宴舉矣。莊有花。逕月落。流花逕者。知爲臨
水。莊有草堂。月落。帶草堂者。便見春星。我因風林。纖月
落。想見暗水。春星有如此。宴必燒燭。乃燒燭不盡。爲宴
當張琴。后更檢書。燒燭宜短。宴必引盃。乃引盃不盡。爲
宴當張琴。后更看劍。引盃愈長。我因衣露。淨琴張。兼及
檢書。看劍。有如此。此左氏莊。非吳會也。此夜宴。左氏莊
非扁舟。遊吳會也。如何賦詩方罷。忽聞吳詠。使往年遊
吳之興。復發。何日重
主姑蘇。直窮扶桑耶。

過宋員外之問舊莊

公自注。員外李弟執金吾。見知
於代。故有下句。○金吾名之拂

員外家。魏州莊在首陽。公開元二十九年。在河南。祭遠
祖晉鎮南將軍。於洛之首陽。曰。小子築室首陽之下。則
過員外舊莊。必在是年前後。又按員外有弟。名之遜。昔
附武三思。在五狗列。懷員外及其弟。但及之。憐。自注。嚴矣。
宋公舊池館。零落首陽阿。
二句。枉道祇從人。吟詩許更過。

淹留問耆老。寂寞向出河

四句

更識將軍樹。悲風日暮多

一句

半弟

員外於中宗朝官居學士今池館雖存零落甚矣比經
過訪其舊莊莊既無主枉道者亦祇從其入耳我則吟
詩有低回不能去者今日枉道他時更過員外或者獨
許我平但枉道者枉吟詩者吟俱不免淹留矣雖則淹
留亦但從耆老訪問耳況池館空存宋公不見蓋不勝
寂寞矣似此寂寞惟有向山河憑弔耳員外已矣或者
其弟執金吾者尚在乃將軍一去大樹蕭蕭
既悲其兄又悲其弟宜悲風至日暮偏多哉

臨邑舍弟書至苦雨黃河泛溢隄防之患簿領所憂因

寄此詩用寬其意

開元末年河南北大水臨邑被災公弟爲臨邑主簿題
曰隄防之患簿領所憂先勉之盡職也因寄此詩用寬
其意次慰之
安心供職也

二儀積風雨百谷漏波濤聞道洪河圻遙連滄海高

四句
苦雨

黃河職司憂悄悄郡國訴嗷嗷二句舍弟卑棲邑防川領

簿曹尺書前日至版築不時操難假鼉鼉力空瞻烏鵲半

六句舍弟書至二句燕南吹吹畝濟上沒蓬蒿螺蚌滿近郭

蛟螭乘九臯徐關深水府碣石小秋毫白屋畱孤樹青天

失萬艘以上皆來書所云我表同泛梗利涉想蟠桃倚損

天涯釣猶能掣巨鼉四句用寬其意

水勢大矣原其所自實由於天蓋陰陽之氣乖舛也風雨積而百谷漏百谷漏而黃河溢黃河溢而滄海連我聞苦雨後黃河泛溢如此凡屬職司誰不悄悄所矣郡國到處嗷嗷不謂舍弟臨邑其來書所云亦復如此舍弟臨邑元陽卑棲河堤圻矣防川爲急其來書所云已知版築之功不遺餘力而深歎鼉鼉不能爲梁烏鵲填河無據宜舍弟以爲憂也乃書中所述水勢不止臨邑北而燕漂畝畝而稼害矣東而濟沒蓬蒿而廬圯矣

蚌滿而近郭無人煙蛟螭橫而九臯成巨浸濟上如此
宜徐關亦爲水府燕南如此宜碣石止存秋毫近郭惟
螺蚌宜白屋無人但留孤樹九臯騰蛟螭宜青天皆水
片失萬艘二十四郡無不被災信如我所聞圻洪河連
滄海者夫河溢雖可憂利涉差可喜蓋因我衰已同泛
梗得此遠涉則度索之蟠桃可採得此垂釣即龍伯之
巨鰲可掣臨邑瀕海二物可致我弟之憂亦可寬矣

天寶初南曹小司寇舅與我太夫人堂下累土爲山一

匱盈尺以代彼朽木承諸焚香瓷甌甌甚安矣傍植慈
竹蓋茲數峯欽岑嬋娟宛有塵外數致乃不知興之所

至而作是詩

時方改元故特提天寶
初太夫人盧氏公祖母

一匱功盈尺三峯意出羣

二句累土爲山
領下兩聯

望中疑在野

點堂下

陸處欲生雲

點塵外

慈竹春陰覆

點慈竹

香爐曉勢分

點瓷

惟

南將獻壽佳氣日氤氲

結還小司冠與我太夫人并作詩意

累土爲山者一匱之功不過盈尺三峯之意便爾出羣意出羣何如本堂下反疑在野非塵外忽欲生雲慈竹爲子母竹蓋茲數峯若春陰之覆峯不一香爐亦不一承諸瓷甌忽曉勢之分凡此皆意出羣使然惟南山在野惟南山生雲惟南山有春陰惟南山有曉勢假山如是是即南山誰爲此出羣意者小司冠爲太夫人壽特借假山以致祝自茲以往氣日氤氲我亦興至作詩也已

贈李白

二年客東都所歷厭機巧野人對羶腥蔬食常不飽

四句客東

都豈無青精飯使我顏色好苦乏大藥資山林跡如掃

四句

下起李侯金闕彥脫身事幽討亦有梁宋遊方期拾瑤草

四句

李贈

我前後二年客遊東都閱歷人情甚厭機巧蓋洛陽之人趨勢利工揣摩機巧所從來也我本野人自安蔬食一入世味便覺腥羶即蔬食安能下咽耶既處機巧又作腥羶入道何日之有計惟青精飯可以澤顏乃青精飯雖有大藥資則無所由長往山林踪跡終絕耳幸遇李侯李侯非野人本金閨彥今日賜金放還欲訪高人於梁宋間亦野人之徒也大事對討則機巧者可疎拾落草則不心大藥較勝青精庶腥羶亦遠野人之願終得遂夫○天寶三載詔李白供奉翰林旋被高力士譖帝賜金放還白托鸛鵲以賦曰落羽辭金殿是脫身也是年白從高天師授籙是事幽討也同時有華蓋君隱王屋山長岑伊洛間梁宋之遊必訪此君後公昔遊詩証可

重題鄭氏東亭

公自注在新安界

鄭氏東亭與駙馬鄭潛
雖無淺故有另注四字

華亭入翠微

一句東亭下五句亭景

秋日亂清暉崩石欹山樹清漣

曳水衣紫鱗衝岸躍

承清漣句

蒼隼護巢歸

承崩石句

向晚尋征路

殘雲傍馬飛

二句別東亭

亭華且高直入翠微惟高故秋日常暉搖亂不定也亭
枕山宜有崩石崩石之勢山樹為欹亭俯水宜有清漣
清漣之文水衣交曳有水衣宜有魚魚衝岸而躍有所
警也魚得水衣而深潛自為得所矣乃清漣之間幾忘
岸之高下故因衝而忽躍靜者有時動焉有山樹宜有
鳥鳥護巢而歸有所感也鳥離山樹而遠飛自為無患
矣乃崩石之下不知巢之存亡故思護而急歸進者有
所退焉魚忘機能觸機鳥知機能先機人何以不魚鳥
若耶客于征途終無休息殘雲馬首依依欲飛我將去東都他適矣

望嶽

岱宗夫如何齊魯青未了

下也

造化鍾神秀陰陽割昏曉

二句

嶽○遊○胃○生○層○雲○決○皆○入○歸○鳥○二句會當凌絕頂。一覽衆山

小○以登
嶽結

我風聞岱宗名，岱宗如何今適魯。庶得其似，乃何山不
青獨岱宗最高，其青極遠。由濟至魯，黛色猶未盡也。蓋
由神秀之氣造化獨鍾，故山陰若恒昏，山陽若恒曉。昏
曉於此另分，即日月亦不能為主。岱宗如何有如此者，
我望焉當盡胃時，若生層雲之奇，與俱吞吐。至決昔處
直入歸鳥之路，與俱杳冥，而青真未了也。岱宗究如何，
會須有日。凌絕頂，覽衆山，見衆山之小而岱宗之大。此
時決矣。○秦始皇上太山，陽從陰道下。詩中陰陽二字，
有本，不但貨殖傳陽則魯陰則齊也。公置身于仞，小視
天下，壯遊詩云：脫畧小時輩，結交皆老蒼。飲酣視八極，
俗物都茫茫。正是結意。

與李十二白同尋范十隱居

李侯有佳句，往往似陰鏗。余亦東蒙客，憐君如弟兄。醉眠

秋共被攜手日同行

以上叙與李十二

更想幽期處還尋北郭生

二句同尋

入門高興發侍立小童清落景聞寒杵屯雲對

古城

四句寫隱居

向來吟橘頌誰欲討葦蕖不願論簪笏悠悠

滄海情

四句尋隱居之故

昔有陰鏗長五言古詩似者絕少李侯佳句往往近之
今遇東萊相憐不翅弟兄然夜則共被無異妻庶書
同行何殊杖杜但此東萊豈無幽期處為隱居者李侯
外聞有北郭生為范十其居可訪也入門而高興遂發
真是幽期處也侍立之小童亦清不嫌北郭生也忽焉
夕景落寒杵傳浮雲屯古城暮何以為情期念李侯被
放久作屈原之吟橘頌豈但思歸欲為張翰之計葦蕖
李侯脫身范亦高蹈我於二公之間官情亦淡滄海之
處悠悠我思他日同期長往此則我來尋之意云爾○
土為不知已者如寧為知己者憐憐君憐字不泛淮陰
國士蕭相國憐而追之不能使市中少年憐洛陽才子
吳公憐而薦之不能使朝中絳灌憐文帝憐李將軍矣

曰惜乎子不遇此不能使瀟陵醉尉憐武帝憐司馬長卿矣曰恨不與此人同時不能使臨邛富人憐即如公明皇憐之陳希烈輩不肯憐即如李明皇亦憐之高力士輩不肯憐此曰憐君惟公憐君耳他日曰世人皆欲殺我意獨憐才夫至皆殺獨憐憐之一字夫豈尋常惋過李白秋下荆門詩有此行不爲思鱸膾自愛名山人荆門誰欲討專義是入刻中

贈李白

秋來相顧尙飄蓬

領下三句

未就丹砂愧葛洪

此句飄蓬之故

痛飲狂

歌空度日飛揚跋扈爲誰雄

二句飄蓬之情

我與爾遊東蒙忽復秋來飄蓬如故者蓋因有志學仙丹砂未就愧葛洪之爲勾漏令也春去秋來日復一日痛飲爲事及此居諸我則已矣爾雖飄蓬意氣尚在飛揚跋扈亦甚雄矣今與我相顧更爲誰騁其雄哉○相顧者李顧惟公公顧惟李兩人而外無可顧盼者故結曰爲誰雄史稱李好縱橫術喜擊劍爲任俠正是飛揚

跋扈處亦只爲丹砂未就耳公早見其必攫世網欲其
歛才養氣又深惜其信道未篤不能成就飛揚跋扈正
取禍之媒公昔遊詩東蒙赴
舊隱伏侍董先生正其時也

題張氏隱居二首

張氏卽叔明隱徂徠山與李
白孔巢父等號竹溪六逸

春山無伴獨相求伐木丁丁山更幽

幽字領至末

澗道餘寒歷

冰雪石門斜日到林丘不貪夜識金銀氣遠害朝看麋鹿
遊乘興杳然迷出處對君疑是泛虛舟

春山何必有伴然春山不可無伴春山無伴求友情動
矣惟無伴亦獨往求友耳此行爲求友來宜山中有伐
木之聲有聲不幽乃有聲山更幽也進而澗道尚有餘
寒歷盡冰雪進而石門直當斜日始到林丘此林丘卽
隱居何其幽也人之多貪者未識金銀氣也該識金銀
上爲敗軍敗國之墟則自然不貪亦惟夜氣清故見耳

人輒遇害者未觀麋鹿遊也誠觀麋鹿羣不爲金鞍文
繡所束縛則自然遠害亦惟朝氣靜故察耳我乘興而
來恍人桃源回首澗道石門已迷出處况對君之餘不
貪如是遠害如是使人鄙恤消名心淡有若虛舟之解
何幽似之蓋對君疑其有伴
泛虛舟依然春山無伴也

之子時相見邀人晚興留

領下四句

濟渾鯁發發春草鹿呦呦

杜酒偏勞勸張梨不外求前村山路險歸醉每無愁

兼結前章

語意

我對君歲忘歸矣君亦乘我晚興而留晚興何如此地
有濟渾鯁躍躍發發其盛山中有春草鹿食草呦呦其
鳴物之樂其樂如此畱客有酒酒爲杜酒是我家酒亦
煩同飲佐酒有梨梨爲張梨卽君家梨不假外求晚興
如此能將歸矣出看澗道石門山路誠險所幸遙歸醉
後可以無愁我乘興來興盡返去○句句與前章對發
晚興隱承乘興二字濟渾二句隱承遠害意鯁發發不
罹網矣鹿呦呦不卽險矣杜酒二句隱承不貪意蓋酒

不他取只須杜酒梨不他覓無過
張梨也歸路險隱承洞道石門

劉九法曹鄭瑕丘石門宴集

石門在魯郡東考李
白有石門送杜甫詩

秋水清無底蕭然淨客心

二句寫石門

樣曹乘逸興鞍馬到荒

林二句劉九法曹來集石門

能吏逢聯壁華筵直一金

二句晚來橫吹

宴集

好泓下亦能吟

結挽秋水

石門秋水清澈無滓客心似之客如法曹遂乘逸興不以荒林為僻投鞍馬而來會乃瑕丘亦能吏今日逢法曹信為雙璧此集誠華筵既有賢王客直得一金未幾橫吹忽起疑為龍吟豈知泓下龍吟聲亦相應藉非秋水清無底能有此龍吟哉

陪李北海宴歷下亭

公自注時邑人蹇處士等在

東藩駐皂蓋北渚凌清河

二句李北海來歷下亭

海右此亭古濟南

名士多

點自注

雲山已發興玉珮仍當歌

二句陪宴

脩竹不受暑

交流空湧波

二句亭景

蘊真愜所遇落日將如何貴賤俱物役

從公難重過

四句感懷

李公守東藩特駐皂蓋自北渚凌清河將遊歷下亭也
遊此亭者以海右之亭雖多此爲最古況古亭非名士
不稱濟南名士有寒處士等一時交集我陪宴時登古
亭覽雲山已堪發興交名士解玉珮更爾當歌古亭前
有脩竹蕭蕭數竿不受暑氣何遠炎也古亭外有河濟
二水伏見當其交流憑空湧波於水性原不動也此皆
真趣我茲真與遊正愜所願方期與公留連無奈落日
催別何過此以往賤者如我同爲物役貴者如公亦自
不免今日從公後會難必能無臨別歌然哉○李邕恃
才負氣虛哉用嘗語之曰君如干將莫邪難與爭鋒終
虞鈇折邕不能用卒罹於害公蘊真之言欲其欽才入道方愜所遇也

同李太守登歷下古城員外新亭

新亭結構罷隱見清湖陰跡藉臺觀舊氣溟海岳深圓荷

想自昔遺堞感至今

以上叙新亭古城

芳宴此時具哀絲千古心

主稱壽尊客筵秩宴北林不阻蓬華興得兼梁父吟

以上叙同登

員外所製新亭隱然掩映雖曰新亭其跡自齊梁以來舊有臺觀員外特因而敝之雖藉舊跡其氣湖山映發一若憑海帶岳溟濛深邃下則湖內圓荷跡舊物之生亦自昔也旁則古城遺堞亭新城之足感直至今也我與太守登臨其上芳宴具陳一時志盛哀絲忽作千古傷心豈以新亭遂忘已往於時主為客壽宴向林開與公貴賤雖曰有殊作詩倡和何嫌蓬華舒我野興繪公雅篇一似孔明梁父吟我兩人得兼有之也

暫如臨邑至嵒山湖亭奉懷李員外率爾成興

暫如臨邑者公弟綽領臨邑前以河反書至告哀也暫如臨邑故先至湖亭別員外李之芳乃之芳適之青州

一 因而奉懷

野亭逼湖水歇馬高林間聾吼風奔浪魚跳日映山四句至峭

山湖暫遊阻詞伯却望懷青開藹藹生雲霧惟應促駕還

四句暫如臨邑奉懷員外

員外所攝新亭既映湖陰直逼湖水我馬首指臨因於高林間暫歇鞍馬歇馬時但見鵲湖中聾之吼鼓風奔浪魚之跳胡日映山員外何在哉顧我此行暫遊臨邑為阻詞伯而言別乃至此亭退望員外反在青開而未還彼湖陰易生雲霧况遙吼魚跳勢必風雨交作青開之駕員外向早言旋庶臨邑之行不至闕為面別也

已上人茅齋

已公茅屋下可以賦新詩領下六句枕簟入林僻茶瓜畱客遲

江蓮搖白羽天棘蔓青絲四句承茅屋句空忝許詢輩難酬支遜

詞二句應賦詩句

何上人無茅屋已公茅屋有不同者故新詩可賦也茅屋中有槐策焉入林獨僻有茶瓜焉留客能遲茅屋外有江蓮焉如搖白羽有天棘焉若蔓青絲已公茅屋下如此可以賦詩矣也已公是支逝茅屋之客果許詢否恐已公有詞無魏支逝吾輩設難有忝許詢然則雖日可以賦新詩能無三舍避公哉

冬日有懷李白

寂寞書齋裏終朝獨爾思更尋嘉樹傳不忘角弓詩四句有懷

短褐風霜入還丹日月遲未因乘興去空有鹿門期四句有懷

故之

我遊魯郡與爾狂歌痛飲今爾去我留書齋寂寞豈無他人不如爾也此終朝所思獨為爾勞耳我於書齋內更尋左傳見季武子於韓宣子封殖嘉樹以無忘角弓我平日憐君如弟兄若角弓之詩何日忘之當此冬

襁褓寒矣。風霜應入。歲月暮矣。肝砂難就。兩自落。羽辭金殿以來。到處風霜。只恐不免。爾嘗自言富貴神仙。誰此兩失。況今一身將老也。往年鹿門之遊。原期乘興。今天各一方。鹿門偕隱。往年不空有其期哉。此寂寞書齋。獨爾思也。○計李白與公石門一別。便爲永訣。此後雖江東雲樹。時復牽懷。乃落月屋梁。竟成夢想。襁褓風霜。二句料其將來。失足風塵。難成正果。不待潯陽夜郎。悲痛已深。

歸長安詩

天寶五載至七載

行次昭陵

時玄宗詔天下通一藝者詣京師。公自東都西歸長安。應詔詣陵。太宗陵在京兆府醴泉縣西。歸長安時行次其處也。或稱此章於北征時。謂醴泉在京師北。歸鄜州所經亦是。但不得泥鐵馬汗常趨句。以神兵與崔乾祐戰爲証。蓋王衣句仍用漢事耳。

舊俗疲庸主羣雄問獨夫

二句

識歸龍鳳質威定虎狼都

天屬尊堯典神功協禹謨風雲隨絕足日月繼高衢文物

多師古朝廷半老儒直詞寧慘辱賢路不崎嶇

以上專往
頌太宗

者災猶降蒼生喘未蘇指揮安率土盪滌撫洪鑪

以上再
提總紐

前段壯士悲陵邑幽人拜鼎湖玉衣晨自舉鐵馬汗常趨松

栢瞻虛殿塵沙立冥途寂寥開國日流恨滿山隅

以上行
次昭陵

南北朝率皆庸主風俗之敝厥惟舊哉至隋煬不但庸
主天下羣指爲獨夫也惟時李密劉武周之徒皆興兵
問罪乃符讖所屬則在太宗故關中爲虎狼國晉陽兵
起一戎遂定於是天屬本親尊神堯之典父位禪子也
神功於樂協大禹之謨武兼文德也隋末羣雄競起大
宗出而風雲際會皆隨拔足隋末天地否塞太宗出而
日月重朗能繼高衢且禮樂庶務率師古人房杜諸公
無非儒者齊顏從諫以魏徵之直往往見容瑞在得賢
致貞觀之治都由乎此豈知往者固承隋亂哉帝災猶
降民喘未甦自太宗一指揮東征西討遂安率土一盪

潞化育甄陶盡在洪鑪當年功德如此今者陵邑茫茫
鼎湖渺渺壯士幽人過而瞻拜俯仰之下靈爽如在玉
衣猶舉也鐵馬還趨也獨行次者生不同時使松柏徒
賸塵沙自立開國雄風寂寥不見山隅蕭瑟流恨何窮
哉○玄宗時金甌全盛公何以有流恨句蓋由開寶來
將相非人玄宗政事悉委李林甫至陳希烈輩不過抱
牘書名無昔時玄齡如晦其人矣杜邊將入相之路節
度盡用塞外人至祿山兼領三鎮無昔時世勛敬德其
人矣改官制創教坊文物不師古矣九齡罷宋璟斥朝
廷乏老儒矣一鳴輒斥去直辭修辱矣選司有聖書賢
路崎嶇矣况一日殺三子天恩安在歲歲開邊禁
神功安在太宗在天應有餘恨故曰流恨滿山隅

贈比部蕭郎中十兄

公自注南
從姑之子

有美生人傑

提從
姑子

由來積德門漢朝丞相後梁日帝王孫

蘊藉爲郎久魁梧秉哲尊詞華傾後輩風雅謫孤騫

以上
贈比

寄宅相榮姻戚兒童惠討論見知聞自勿謀拙愧諸昆漂

蕩雲天濶沉埋日月奔致君時已晚懷古意空存中散山

陽鍛愚公野谷村寧紆長者轍歸老任乾坤

以上自序

似此有美宜生人傑而爲我從姑子況蕭氏積德由來已久也漢有蕭何比部是其後梁有蕭衍比部是其孫非積德門而何不獨門第其性溫沉由歷官之久其形磊落兼經德之優著爲詞華後輩交推蔚爲風雅孤孺罕匹幸爲我從姑子得此宅相有榮姻戚於我爲從兄弟我於兒童便資討論面命耳提是見知非聞知也幼叨教益長厠諸昆茶謀拙有慙雁行也我惟謀拙故漂蕩人閒雲天愈濶沉埋林下日月徒奔今應詔詣京年近強仕前此曾忤考功今日致君爲時已晚雖欲追踵古人如伊呂出處此意亦只空存耳惟中散愚公亦古之拙謀者一好鍛一以愚名村我學此二公自安於拙兄本長者幼年雖資教益今日枉重何堪落落乾坤從此歸老矣

今夕行

今夕何夕歲云徂更長燭明不可孤

二句點今夕

咸陽客舍一

事無相與博塞爲歡娛馮陵大叫呼五白袒跣不肯成梟

盧英雄有時亦如此邂逅豈卽非良圖君莫笑劉毅從來

布衣願家無擔石輸百萬

以上今夕之事

我自詣轅應詔今夕何夕歲云除矣當此更漏正長蕭
條客邸計惟博塞聊遣岑寂夫成梟思牟則呼五白期
倍勝也馮陵其氣袒跣大叫庶肯成白乃五白不肯適
成梟盧夫博塞者得盧爲梟亦屬僥倖然旣梟後則以
五白爲倍勝况呼盧得盧呼白得白乃稱如意今所呼
則白所得則盧雖有百萬坐見輸矣古來英雄不能快
意往往如此今夕與諸君遇雖不得年何必非良圖哉
古英雄如劉毅者不過布衣耳家無擔石立願最豪博
獲一擲常輸百萬安在必得倍勝諸君慎勿胡盧也○
此章公借博塞見志着眼布衣願三字古來惟布衣願
最迂最奢如空桑人抱耒而任天下隆中人躬耕而定
三分卽如公嘗自言曰許身一何愚自比稷與契致君

堯舜上立使風俗淳安得壯士挽天河洗淨甲兵長不用安得廣厦千萬間大庇天下寒士皆歡顏無非布衣也願

春日憶李白

白也詩無敵飄然思不羣清新庾開府俊逸鮑參軍

四句寫李

渭北春天樹江東日暮雲

二句寫春日

何時一尊酒重與細

論文

結出憶意

詩者思也白詩獨步無人可敵亦由思不羣耳思起人外故詩軼等倫詩有辭采貴於清新詩有風神期於俊逸清新俊逸思之飄然為之也能此者古惟庾鮑今惟李白庾鮑生於前時無李白誰敵庾鮑李白生於後時無庾鮑誰敵李白惜乎我在渭北所見惟春天樹江東所望惟日暮雲耳夫思與文生文萃詩成文名一字之謂一字未達足以害辭兼以害志苟非把酒細論安能披瀝妙理今一渭北一江東何日照尊再與商榷

也。○大抵公於李白不許其學仙。一則曰無敵學仙。未就。每多微詞。獨詩一則曰有佳。一則曰無敵。學仙則於葛洪有愧。能詩則於陰鏗更無慙也。

李監宅二首

趙氏以李監爲李令問。按令問隨方守平。太平公主亂時。已爲太僕少卿。開元二十五年。卒。其子與回紇承宗遊。又貶撫州別駕。李監非其人也。蘇夢弼又謂是李鹽鐵。以次章有鹽官絳驥句。夫鹽官絳驥。是惜英才大官卑。王孫豪貴。如首章所云。豈尙有才大官卑之痛。思意首章是諷李監。次章是美李婿。

尙覺王孫貴。豪家意頗濃。屏開金孔雀。褥隱繡芙蓉。且食雙魚美。誰看異味重。

四句正門闌多喜色。女婿近乘龍。結寫其豪。

賊李監宅之故

帝之長安。不覺王孫貴矣。由今觀之。尙覺王孫貴耳。蓋以豪家服食其意頗濃也。施於屏者。有金孔雀。隱於褥

者有繡芙蓉夫孔雀祈射芙蓉並蒂二物皆非無謂或
金或繡則過侈矣至於羅列珍羞其為雙魚我所知也
其為異味我不辨也且食雙魚已覺其美再登異味殊
駭其重豪家意頗濃如是於時一望門楣更多喜色豪
家納婿已這乘龍乃知金孔雀繡
芙蓉雙魚異味之畢備誠有故爾

華館春風起高城煙霧開雜花分戶映嬌燕入簷回

四句承門

開多喜色句 一見能傾座虛懷只愛才鹽官雖絳驥名是

漢廷來 四句承女婿近

乘龍句美其婿

承上章一李監門關多喜色矣於時內而館中春風頓
起外而城上煙霧都開且雜花闌色分戶爭妍嬌燕盡
容入簷却去門關如此女婿若何其座上風流一見傾
倒故我輩愛才不在豪華今日鹽官一時暫屈李婿人
才豈終屈者況官職雖卑天家所授李監得此誠快婿
哉蓋女既乘龍婿即絳驥不必嫌也○傾座愛才暗用
司馬相如一座盡傾人才足依公殆
以卓王孫比李監以相如比其婿

鄭駙馬潛曜宴洞中

鄭尚臨晉公主王係皇甫淑妃生天寶四載公曾為淑妃作碑文中云有忝鄭君之賓客遊寶主之園林等句

王家陰洞細煙霧畱客夏簾青琅玕領下四句春酒杯濃琥珀

薄冰漿碗碧瑤寒此聯寫宴承六句誤疑茅堂過江麓已入風

磴霾雲端此聯寫洞承首句自是秦樓壓鄭谷時聞雜珮聲珊珊

結連主家謂馬

此詩禾原蓮花洞為駙馬所向王家陰洞也陰寒之氣煙霧生焉時當溽暑畱客其處爰設夏簾色比琅玕宴設矣簾為夏簾酒則春酒浮於盃者其味濃覺琥珀猶薄酒為春酒漿則冰漿注於碗者其色碧與瑤瑤俱寒正於洞本非茅堂恍疑茅堂在於江麓不覺生涼亦非風磴忽以風磴入於雲端已覺無暑故曰陰洞細煙霧夫茅堂風磴鄭谷則然今是秦樓也王家得有秦樓駙馬原來鄭谷遊其中者以為秦樓豪華何在以為鄭谷

物色不同。秦樓即鄭谷耶。殆秦樓壓鄭谷也。秦樓鄭谷間。時聞雜珮珊珊有聲。是秦樓主宛然雞鳴婦。今日留客。即雜珮贈答之意夫。○唐俗公主下嫁舅姑反拜。何有於客相夫子使親賢下士難矣。此詩暗寫主賢不獨結句。即如主家第疑為茅堂風磴。雖寫洞中陰寒。若無盛夏亦覺鳥鵲橋鳳凰臺忽作江湖丘壑觀。秦樓壓鄭谷。自是諧辭不狹貴。以其德謂之壓可也。

房兵曹胡馬

胡馬大宛名。鋒稜瘦骨成。

領下六句竹批雙耳峻。風入四蹄輕。

二句所向無空濶。真堪托死生。

二句曉噴有如此。萬里可

橫行。總結

兵曹此馬來自西域名著大宛豈獨成其為大宛馬也。鋒稜何如我見雙峻瘦骨何如我見四蹄若風入焉何自空濶庶幾仁不異遠義不辭難也。

其實鋒稜瘦骨若竹批然何其駿隨其所向無此死生真堪奇

壯烈幾臨難無苟免與人成大功也信號騰矣萬里而
外橫行可決豈獨名哉○太宗叙十驍耳根尖銳移竹
難方公本此曰竹批雙耳峻曹洪乘白鶴耳中風生足
不踐地公本此曰風入四蹄輕此三句從有形質處寫
馬無空濶淺言之爲注坡暮淵極言之爲臨陣無敵托
死生淺言之猶昭烈的驤慕容紹白極言之卽趙朔二
客田橫五百士此二
句從無形質處寫馬

畫鷹

素練風霜起

蒼鷹畫作殊

殊字領下大句

撥身思狡兔側目似愁

胡條鐵光堪摘軒楹勢可呼何當擊凡鳥毛血灑平蕪

借真

結

鷹本鷂鳥當秋而擊原風霜之質今此素練風霜忽起
豈素練然哉其所畫蒼鷹作勢殊絕耳本無狡兔素練
上撥身之勢忽疑欲搏並非愁胡素練上側目之形仿
佛似之條鐵以飾鷹者素練上設色光彩若可摘而下

軒楹以處鷹者素練上傅神飛動若可呼而獵盡殊矣
乃天下儘多凡鳥凡鳥焉用彼爲安得此鷹起而一擊
使凡鳥毛血盡灑平蕪此時何但風霜起素練也爲較
快矣○前章寫真馬直寫到無馬處此章寫畫鷹能寫
得真鷹出公於畫馬曰一洗萬古凡馬空茲於畫鷹曰
何當擊凡鳥物之凡者不足充駕馭資搏噬洗之擊之
可也人之凡者不足寄死生備緩急斥之去
之可也惟殊鷹擊凡鳥一殊一凡首尾眼目

贈特進汝陽王二十韻

汝陽王名璿讓皇帝長子封郡王加特進
公壯遊詩云西歸到咸陽賞從實賢王

特進羣公表天人夙德升

夙德二字
題贈之主

霜蹄千里駿風翮九

霄鵬服禮求毫髮推忠忘寢興聖情常有眷朝退若無憑

八句美
其才德

仙醴來浮蟻奇毛或賜鷹清關塵不雜中使日相

四句承聖
情有眷

晚節嬉遊簡平居孝義稱自多親棣萼誰敢

問山陵四句承朝學業醇儒富辭華哲匠能筆飛鸞聳立

章罷鳳舉騰四句才藝精理通談笑忘形向友朋寸腸堪繾綣

一諾豈驕矜四句以下自叙已忝歸曹植何知媿李膺招要恩

屢至崇重力難勝招要一聯包下十六句披霧初歡夕高秋爽氣澄

尋巖臨極浦鳬雁宿張燈花月窮遊宴炎天避鬱蒸硯寒

金井水簷動玉壺冰八句申足招要恩屢至瓢飲惟三逕巖棲在百

層謬持螯測海況挹酒如澠鴻寶寧全秘丹梯庶可凌淮

王門有客終不愧孫登八句申足崇重力難勝

王封郡王又加特進位冠羣寮豈倖致哉蓋由風德獨優升聞於上不但以懿親重也有德則有尤其才遠到為千里霜蹄其才高舉為九霄風翮有德則有行其行服禮置身規矩毫髮不遺其行推忠鞠躬盡瘁寢與靡

間因之帝嘉乃德眷顧特加然而王心益虛憑藉何有
惟有眷茲時賜醴時賜廣清闢之中一塵不雜中使之
道每日相乘惟無憑故却嬉遊敦孝友棣萼之親原自
多也山陵之貴不敢問焉况藝能有過人者以言博騰
學業富而詞華自王以言翰墨鸞筆飛而鳳章自灑况
交誼有過人者已精文理更忘形而傾心友朋已極繼
續卽一諾而驕矜盡化王賢如此我也何人敢與謔哉
雖歸曹植有忝王門乃對李膺自忘陋劣止因王恩招
要屢至不厭但恨我力寡弱崇重難勝王恩何如欲被
宿霧爽對高秋浦設尊羈燈棲鳬雁宿張燈者欲窮花
月之遊宴臨恆浦者爲避炎天之鬱蒸炎天避而炎氣
消金井寒潮頓生研裏花月窮而月色出玉壺米片忽
桂簷間招要之恩誠至矣我力何如自顧瓢飲野夫嚴
棲遺老本寸莖也豈測大海亦鷄腹耳敢貯如甕所望
我王鴻寶不勒起予庶幾仙人丹梯尚可拾級使人美
履主之門亦有佳客卽我亦不愧孫登而共躋蘇門焉
王長嘯王恩崇重可勝任矣○人莫患有龍而憑也况
親王子弟乎吳王濞封五十三城後賜几杖恃寵而驕
卒至覆滅有所憑也獻王封河間爲諸侯王長好學修
古被服儒者竟得保世無所憑也梁孝王來朝景帝以

酒勸之曰萬歲後傳於王王坐此益驕先
憂死有所憑也東平王蒼來朝明帝以尊迎王王不自
安上疏辭封竟以壽終無所憑也從來無德而富貴謂
之不幸况朝廷異數寵之正泰之鄉莊於叔段親弟也
請京予京請邑予邑段意公寵已而憑之不知于卿之
師已襲其後公於汝陽曰朝退若無憑窺王深矣鄭善
大曰若無憑猶漢高失蕭何若失左右手米合汝陽父
惠皇帝墓明皇親題曰惠陵其山陵為天子特崇汝陽
不敢問正
見無憑處

飲中八仙歌

知章騎馬似乘船眼花落井水底眠

仙在騎馬似乘船

汝陽三斗

如朝天道逢剋車口流涎恨不移封向酒泉

仙在三斗左始朝天

相日與費萬錢飲如長鯨吸百川銜盃樂聖稱避賢

仙在樂聖

宗之瀟灑美少年舉觴白眼望青天皎如玉樹臨風

前仙在白眼

望青天 蘇晉長齋繡佛前醉中往往愛逃禪

仙在醉中愛逃

李白一斗詩百篇長安市上酒家眠天子呼來不上船

自稱臣是酒中仙

飲仙獨推李白仙在一斗詩百篇

張旭三盃草聖傳脫

帽露頂王公前揮毫落紙如雲煙

仙在三杯草聖傳

焦遂五斗方

卓然高談雄辯驚四筵

仙在五斗方卓然

古來達人君子。憫時病俗。不得志於時。因逃之於酒。今日八仙是也。其一賀知章。知章越人。習於乘舫。騎馬亦似之。且知章視巖底無異江湖。意嘗在鑑湖一曲。騎馬似乘船。殆陸沉金馬。恥醉眠水底。又焉知也。不謂之仙而何其一。汝陽王。汝陽為讓皇帝子。非無故托之於酒。汝陽嘗於上前大醉。上遣人掖出。汝陽謝曰。臣三斗壯。這不覺至此。則知汝陽胷中。欲以酒自晦也。不然。愈字天人姿。虬髯似太宗。若不托之酒。能自全乎。所以直欲辭郡王。移封酒泉也。汝陽真欲仙中善藏其用者。其一李適之。適之忤李林甫。罷相後。吟遊賢初罷相。樂聖且

衡盃是適之之飲。矢志而飲也。信陵見廢後日飲。醉酒自娛。楊惲落職家居。日事縱酒爲樂。適之日費萬錢。殆以沉湎自廢。期免林甫之忌耳。避賢路。樂清聖。真仙飲也。其一崔宗之。宗之風神瀟灑。皎如玉樹。似非酒徒。然以侍御謫金陵。亦失志而飲者。阮籍見禮俗之士。則白眼。宗之則白眼望青天。當其舉觴。見得世無青眼者。亦誰爲我可白眼者。此其沉醉埋照。不該飲仙中。獨清獨醒。亦與天爲徒者哉。其一蘇晉。古未有佛而飲者。佛而飲。自彌勒始。蘇晉雅好浮屠。尤以彌勒性嗜米注而餐之。夫晉好飲。其天性也。禮佛其寄跡也。人有不大不得已者。斯逃之於酒。逃之於酒。不得又逃之於禪。彼蘇晉者。我不知其逃禪於酒。抑逃酒於禪。酒徒與禪士與。直仙而已。其一李白。八人皆飲中仙。李白爲主。李白以詩豪天下。不知李白以酒豪天下。蓋一斗詩百篇也。一斗詩百篇。非百篇之詩。有待於一斗。乃一斗之頃。詩有百篇之多。所以沉香君而不顯。蓮舟召而不來。信爲酒中仙矣。何以自稱世無雙。李白者。只自稱云爾。其一張旭。旭東吳之精也。負放浪不羈之性。托諸爲龍爲蛇之筆。其書獨以草著。將三盃後。以頭濡墨。古無此書法也。當其醉時。叫呼狂走。及疾書而醒。自以爲神。善書能飲。兩者

皆難定。旭在草爲聖，在酒爲仙。東吳之精一人而已。其一焦遂人飲而困，未有飲而卓者。飲而卓，斯仙矣。一斗至三四斗，猶未卓。五斗方卓，尤仙矣。五斗方卓，然其未驚筵，所以爲卓耳。八人者，皆不得志，迷之於酒，然已仙矣。不得志於時者，神仙之津梁也。

奉寄河南韋丈人

公自注甫故廬在偃師承韋公頗有訪問故有下句

有客傳河尹逢人間孔融

二句頗有訪問

青囊仍隱逸，章甫尚西

東

二句隱鼎食爲門戶詞場繼國風尊崇瞻禮絕疎放憶

途窮

四句頗韋仍

濁酒尋陶令，丹砂訪葛洪。江湖漂短褐，

霜雪滿飛蓬。牢落乾坤大，周流道術空。謬慙知薊子，真怯

笑楊雄。

八句自叙亦

盤錯神明懼，謳歌德義豐。戶鄉餘土

室難說祝雞翁。

結還故廬在偃師隱微訪問意

昔李膺爲河南尹孔融造門爲上客今我非孔融乃有
客傳公逢人訪問問我年來已辭隱逸此身可免東西
否豈知郭璞青囊依然隱逸尼丘章甫尚爾東西哉且
我與公非等倫也公家聲尺五門列鼎鍾公風雅世傳
詞推壇坫以公尊榮奚翅天上念我岐路久在泥中達
人而問亦云僅矣我嗜酒思尋陶令求仙欲訪葛洪無
奈漂泊江湖儒衣已破淒其霜雪短髮空垂天地莫容
周流靡益信矣章甫何之青囊焉用哉雖薊子之知謬
明長者恐楊雄之譏難免衆人耳今公方治偃師理盤
錯而神明亦避偏謳歌而德義彌隆我有敝廬幸邀顧
底夫偃師尸鄉往日有祝雞翁名登仙籍今日尸鄉如
我雖蒙訪問潦倒不堪安得與祝雞翁並傳不朽耶○
逢人問孔融句篇中三應疎放憶途窮句一應謬慙知
薊子句一應難說祝雞翁句一應一孔融也求郭璞青
囊而窮法揚雄草玄而窮訪葛洪丹砂而窮學薊子神
異而窮法揚雄草玄而窮訪葛洪丹砂而窮學薊子神
不免於窮信乎途窮信乎道衡空也公秋述云楊子雲
草玄寂寞多爲後輩所衰近似之矣真性笑楊雄句語
意正同漢韋孟有諷諫
詩故曰詞場繼國風

贈韋左丞文濟

公自任濟之兄
洵亦為給事中

時公應詔李林甫忌人斥已建言付尚書試問無一中
者林甫以野無遺賢賀公因是退下有寄韋贈韋諸作

左轄頻虛位今年得舊儒相門韋氏在經術漢臣須

四句
贈韋

時議歸前列天倫恨莫俱鵲原荒宿草鳳沼接亨衢

四句
兼點

自注有客雖安命衰容豈壯夫家人憂几杖甲子混泥塗不

謂矜餘力還來謁大巫歲寒仍願遇日暮且踟躕老驥思

千里飢鷹待一呼君能微感激亦足慰榛蕪

以上自序兼
述投贈意

左轄之位久虛以待賢者今文由河南尹新遷是職朝廷喜得舊儒焉左轄何以虛位蓋相門之業夙推韋氏也文何以稱舊儒蓋韋氏經術自漢已重也一時羣議皆推韋氏為前列特恨伊兄不能於今日同升夫鵲原之宿草雖荒天倫誠痛乃鳳沼之亨衢已接前列有歸若我應詔被放命也如何已成老翁豈有壯事謀及几

杖莫慰妻孥。辱在泥塗。不知甲子。猶矜餘力。謂大聖者。丈之待我特厚也。丈不以歲寒。有衰顧過。我所以夕暮。尚爾踟躕。所踟躕者。自傷老驥志在千里。况屬飢鷹。專行一呼。丈有意乎。賜以吹噓。雖窮途之日。猶仰首之時也。奉贈韋左丞丈二十二韻

紕袴不餓死。儒冠多誤身。

二句包括一篇側重儒冠句

丈人試靜聽。賤

子請具陳。

以下皆具陳之詞

甫昔少年日。早充觀國賓。讀書破萬

卷。下筆如有神。賦料楊雄敵。詩看子建親。李邕求識面。王

翰願卜鄰。自謂頗挺出。立登要路津。致君堯舜上。再使風

俗淳。此意竟蕭條。行歌非隱淪。騎驢三十載。旅食京華春。

朝扣富兒門。暮隨肥馬塵。殘盃與冷炙。到處潛悲辛。

早老觀國

賓至此叙貢舉不第後無冠帽事

主上頃見徵。歛然欲求伸。青冥却垂翅。

增。豈無縱鱗。

以上四句叙應詔退下儒冠悞身

甚愧丈人厚。甚知丈人真。

每於百寮上。猥誦佳句新。竊效貢公喜。難甘原憲貧。焉能

心快快。祇是走踈踈。

以上述奉贈意

今欲東入海。卽將西去秦。尙

憐終南山。回首清渭濱。常擬報一飯。况懷辭大臣。白鵝沒

浩。萬里誰能馴。

數句贈別亦見不使儒冠終悞身意

我恨生非統袴。益統袴溫飽。未聞餓死。我悔作儒冠。中人益儒冠。迂濶往往悞身。此意丈人靜聽。賤子方敢具陳。賤子困窮之鳴。非丈人亦不能靜聽。儒冠悞身何如。甫丁弱冠。曾與賓興。有志於儒冠事業矣。讀書紙破。下筆神來。一出而賦敵楊雄。詩親曹植。李邕前輩。忘年下交。王翰名流。下鄰求友。自誇挺出。卽躡要津。庶幾不誤身。不餓死。因而堯舜其君民。奚止不誤身。庶幾不誤。以飽天下。此意不遂。幾誤身矣。行歌旅食。幾餓死矣。富兒肥馬。統袴子也。殘盃冷炙。統袴味也。朝而扣暮而辭。

到處悲辛。幾填溝壑。甫前此貢舉不第。儒冠誤身。有如此。不料餓死之餘生。復有見徵之一日。無奈誤身於時。昔不免再誤於今朝。青冥之上。又經垂翅踣跡。踣之後。豈有縱鱗。依然誤身。難免餓死。甫今日應詔退下。儒冠誤身。又如此。猶賴丈人待我厚。遇我真耳。昔問孔融於有客之前。今讀佳句於百寮之上。此由竊志彈冠私喜。不甘辭粟終食也。乃厚意拳拳。命不能達焉。敢快快於心。既不能達。從此當辭。雖有踐踐而走已矣。統統不餓死。何意終誤身矣。東人海西去秦。毋貽統統羞。勿被儒冠誤。遂一片終南數竿渭水。昔何爲來。今何爲去。當擬一飲而四顧。唯辭人。而承決取。耿獨爲是耳。從此以往。道上無行歌之客矣。京華絕騎驢之跡矣。富兒門肥馬。塋塋飛冥冥。春不可即矣。江湖隻鳥。萬頃煙波。飄飄乎。輕富貴如浮雲。安在儒冠必誤身哉。行矣。丈人知我心耳。○騎驢三十載。當是騎驢。

十三載時杜公年未四十

杜詩闡卷之一

終

杜詩闡第二卷目

冬日洛城

龍門

贈衛八

重經昭陵

同諸公登塔

贈翰林張四

故武衛將軍

高都護驄馬行

兵車行

杜位宅

玄都壇

樂遊園

贈張太常

贈鄭諫議

贈鮮于京兆

送韋書記

投簡咸華

留贈集賢學士

貧交行

白絲行

遊何將軍山林

丈八溝納涼

送張參軍

白水明府宅

九日會崔明府

杜詩闕卷之二

同學王日藻却非氏題

華亭盧元昌文子氏述

武林弟 璉漢華氏訂

遊東都復歸長安詩

天寶八載至十二載

冬日洛城北謁玄元皇帝廟

公自注廟有吳道子畫五聖圖

配極玄都闕。憑高禁籞長。守祧嚴具禮。掌節鎮非常。碧瓦

初寒外。金莖一氣旁。山河扶繡戶。日月近雕梁。以上仙李

盤根大。倚蘭奕葉光。世家遺舊史。道德付今王。四句玄畫

手看前輩。吳生遠擅場。森羅移地軸。妙絕動宮牆。五聖聯

龍窠。千官列雁行。冕旒俱秀發。旌旆盡飛揚。

以上

翠栢深

畱景。紅梨迥得霜。風箏吹玉柱。露井凍銀床。

四句謂
府冬景

身退

卑周室。經傳拱漢皇。谷神如不死。養拙更何鄉。

以誤
意結

丹臺仙真曰玄都北辰爲北極廟在洛城北是爲配極
惟玄則閔廟以禁往來憑高而列則長矣遠廟曰祧設
官以象事生故有守祧者以昭具禮有掌節者以備非
常於時霜露既降碧瓦初寒水木相承金莖一氣其下
之廣則山河扶其上之峻則日月近廟製尊嚴加此至
於玄元遠則仙李一株盤根自大近則倚闕一殿奕葉
重光史雖世家見遺經則今王手註也廟中有畫則前
輩吳生擅場獨步其布置森羅能移地軸而遠者使近
其點染妙絕恍動宮牆而死者疑生配極憑高廟中聖
祖在焉五聖龍袞畫中諸宗亦在焉守祧掌節廟中鷄
鶩陳焉千官雁行畫中師濟亦陳焉以言五聖不獨龍
袞冕旒亦俱秀發以言千官不獨雁行旌旆亦盡飛揚
畫手擅場如此於焉謁廟氣象陰森則栢景深梨霜迥
也音響聞寂則玉柱吹銀床凍也因拜手颺言曰今日

玄元卽當年老子在周柱下之官不顯至漢道德之經
始傳當年老子亦自言曰谷神不死夫谷神果不死今
日養拙不知何處降靈人間必不然矣○此詩大指在
結四句身退則爵榮恬退老於柱下不必有玄元皇帝
玄元聖祖之號經傳則道德五千自足不朽不必有告
錫靈符妙寶真符之說谷神不死養拙何鄉何有於像
開元間蓋屋之像何爲天寶間丹鳳門之降何爲也且
何有於廟開元間興慶宮之迎何爲天寶初紫極宮之
建何爲也玄宗惑於神仙至有宮中聞天
語之妄築壇鍊藥種種迂怪詩寓微諷

龍門

龍門橫野斷驛樹出城來氣色皇居近金銀佛寺開
往來時屢改川陸日悠哉相閱征途上生涯盡幾回
四句龍門

東都龍門其勢橫絕大野爲斷而驛道卽出其間夾於
驛道者有樹龍門橫野則驛樹出城樹色葱葱若未也

其氣色崔嵬。因與大內對峙。其金銀焜耀。爲有佛寺莊嚴。所可感者。偶然往來。歲時頓易。只此川陸。跋涉何窮。望征途之日悠。本無涯也。歎勞生之彌促。實有涯也。誠不知川陸上往來幾回。相關始盡耶。

贈衛八處士

人生不相見。動如參與商。今夕復何夕。共此燈燭光。四句領全

篇少壯能幾時。鬢髮各已蒼。訪舊半爲鬼。驚呼熱中腸。上以

承人生不相見。二句焉知二十載。重上君子堂。昔別君未婚。兒女忽

成行。怡然敬父執。問我來何方。問答未及已。兒女羅酒漿。

夜雨剪春韭。新炊間黃粱。主稱會面難。一舉累十觴。十觴

亦不醉。感子故意長。以上承今夕明日隔山嶽。世事兩茫茫。

法總
結

昔有寶沈閣伯兄弟不相能者爲參商星終古而不相
見人生際隔動卽似之言念及此今夕燈前誠出意外
何以如參商哉其在者昔年少壯曾幾何時今日相逢
鬢毛都白其亡者故舊幾人半爲異物驚呼不見空熱
中腸人生不相見動如參與商爲此深悲耳今夕何如
由今邇昔二十載矣誰料今夕重登此堂昔日別若君
未婚娶今夕相見兒女成行見我雖有父執之呼問我
不知何方之客問未及答酒漿已具春燈夜雨剪韭炊
粱會面既難累觴不醉誠念故人意長耳今夕復何夕
共此燈燭光夫豈易得者已矣明日行矣吾此行由東
都至長安中隔終南二華在天參商在地山嶽時昔參
商今夕燈光幸共明朝山嶽他年相見何期世事茫茫
誠不可必明日隔山嶽又是人生不相見動如參與商
也世事兩茫茫安得今夕復何夕共此燈燭光也勉游
處士毋忘
今夕哉

重經昭陵

草昧英雄起謳歌曆數歸風塵三尺劒社稷一戎衣翼亮

貞文德丕承哉武威聖圖天廣大宗祀日光輝

八句頌陵太宗

寢盤空曲熊羆守翠微

二句昭陵

再窺松柏路重見五雲飛

二句

車

隋之亂如草不齊如昧不明草不齊須齊之昧不明須明之亟望英雄起耳太宗是矣所以人歸天與一時手提尺劍身著戎衣風塵靖社稷安也資輔弼之翼亮交德以興承高祖之緒業武威即哉作之前者有如天之聖圖垂於後者有日新之宗祀太宗功德如此今日陵寢鬱蔥氣盤山曲熊羆侍衛兵守翠微吾昔曾行次今一再窺松柏舊路還見五色綵雲也發祥正未艾哉

同諸公登慈恩寺塔

公自注時高適薛據先有此作

高標踳蒼穹烈風無時休自非曠士懷登茲翻百憂

四句

方知象教力足可追冥搜仰窺龍蛇窟始出枝撐幽

王

在北戶。河漢聲西流。羲和鞭白日。少昊行清秋。秦山忽破
碎。涇渭不可求。俯視但一氣。焉能辨皇州。以上承高標回

首叫虞舜。蒼梧雲正愁。惜哉瑤池飲。日晏崑崙丘。黃鵠去

不息。哀鳴何所投。君看隨陽雁。各有稻粱謀。以上承自非

莫高蒼穹。塔高直跨之。無論有風無風。覺烈風無時息
也。夫登高望遠。可以寫憂。苟非曠士如諸公。百憂反集
矣。高標跨蒼穹。何如。蓋自正法沒。而象教興。浮圖以建
象教起。而冥搜寄遐想。何窮。即如此塔。其中磴道似龍
蛇之窟。初循屈曲而始窺其間。層級多枝撐之。幽歷盡
盤錯。而后出當其仰焉。開北牖而星光可數。凭西軒而
天河有聲。恍睹白日馳大火流。若見清秋行涼颼。落塔
高與上近。所見親切如此。及其俯焉。秦山之大。忽而細
瑣。涇渭之流。杳不可尋。而况城郭宮室之微。總在皇州
一氣之內。塔高去下遠。所見恍惚如此。不真高標跨蒼
穹哉。我與諸公何為。登茲翻百憂也。雲斷蒼梧。虞帝之
南巡。不反日斜。瑤水穆王之宴樂。何荒弔古之餘。忽有

哀鳴從空去者爲黃鵠嗟此黃鵠何其失志不能自謀
耶哀鳴之際更有羣鳥得食呼者爲陽雁咄哉陽雁何
其得志獨免斯飢願爲黃鵠志則高矣一飽無時顧爲
陽雁食則得矣守貞安在既悲往哲又傷物類爲是登
茲翻百憂耳諸公想有同心也○按慈恩寺塔係高宗
建高宗謨納武才人幾覆唐祚在天之震應有遺憾故
有蒼梧雲正愁句明皇不鑒耽於淫樂驪山溫泉迷而
不返無異瑤池荒宴故有日晏崑崙丘句鵠本摩天一
舉千里今去不息無所投時事可知賢人君子棲皇失
所其象如此至於雁其性隨陽其食稻粟原與鵠異小
人得君而仕貪位
戀祿有固然者

贈翰林張四學士垣

翰林逼華蓋鯨力破滄溟天上張公子宮中漢客星賦詩
拾翠殿佐酒望雲亭紫誥仍兼綰黃麻似六經內分金帶
赤恩與荔支青

以上張四

無復隨高鳳空餘泣聚螢此生任春

草垂老獨漂萍倘憶山陽會悲歌在一聽

六句自序

學士地位崇隆既餘林而逼帝座勢力雄淵以鯨力而破滄溟官尊矣尚寧親公主似漢成偕行之張放起禁垣第宅豈光武共臥之客星誰親矣惟尚主故揮毫侍便殿之中稱觴在大內之處惟翰林故紫泥封誥得兼頒夫集賢黃麻宣辭有六經之典貴循翰林之職金帶應分因尚主之親荔支兼賜學士如此亦念故舊如我向思隨高鳳而騫騰今力不勝矣向曾天聚螢而勵志今空餘其泣耳生如春草爲榮幾時老類漂萍不知所止當年山陽會裏我祖亦是一人今日故人悲歌學士豈應充耳試一聽焉能動念否○貴妃嗜生荔支垵在禁中宜有此賜以張放比垵亦屬諷詞

故武衛將軍挽詞三首

嚴警當寒夜前軍落大星

二句從故武衛發端

壯夫思敢決

伏次哀

詔惜精靈

伏末

王者今無戰書生已勒銘封侯意疎濶編

簡爲誰青

四句哀挽之故

武衛之職統領宮廷嚴警之法者當此寒夜警衛正嚴遙見前軍大星忽隕將軍殂矣想其敢死尚有壯夫痛其情靈但傳哀詔夫將軍使壯夫思哀詔憤生時何不用武無地乎朝廷旣無戰矣宿衛之金戈焉用燕然竟勒銘矣書生之柔翰爲優無賊焉得封侯宜其意益疎濶勒銘必宜編簡不知爲誰而青哉○開寶時府兵罷折衝停民間挾兵器者有禁王者今無戰正謂如將軍不使折衝萬里乃坐老宿衛責志以沒耳漢文帝語李廣曰惜乎不遇時使當高帝時萬戶侯何足道哉詩此意如

舞劍過人絕鳴弓射獸能銛鋒行慍順

承舞劍

猛噬失踣騰

承鳴弓

赤羽千夫膳黃河十月冰橫行沙漠外神速至今稱

八句通寫敢決

申壯大思敢決句。今特無戰耳。將軍敢決。曾著沙漠。就弓劍言。其舞劍有過人絕技。其鳴弓。有射獸奇能。惟其然。故當舞劍時。鉅利之鋒。縱橫如意。何行不愜。順也。當鳴弓時。猛力所噬。應弦飲羽。何物有驍騰也。至於窮邊絕饌。赤羽微禽。爲千夫治膳之具。遠塞苦寒。黃河腹堅。爲十月成冰之時。似此絕饌苦寒。將軍往年。曾經舞劍。鳴弓。橫行其地。此其神速所由。至今稱之。壯夫思其敢決哉。○猛噬。卽飲羽意。猶曹景宗所云。放箭如餓。此叫澤中。失蹄騰獸。失其蹄騰。赤羽。赤雁也。當轉餉不繼。以射獵所得禽。爲軍中需。此見不能飽騰意。米。或作矢。箭。蓋謂黃河十月。軍中猶執冰。取水而飲。未合。此句不過苦寒耳。千夫膳。則飢。十月冰。則寒。故橫行爲敢決。

哀挽青門去。新阡絳水遙。路人紛雨泣。天意颯風颭。

四句送挽

部曲精仍銳。匈奴氣不驕。

二句精靈

無由覩雄畧。大樹日蕭蕭。

結還惜意

申哀詔。惜精靈句。今特無戰耳。將軍精靈至今不沒。將軍卒於長安。哀挽出長安城東去。出青門歸矣。將軍

絳人此去歸葬絳州遙知新阡在絳水濱耳一時下感
路人泣涕如雨上感天意悲風颭然將軍已矣乃舊時
部曲其精者仍銳不以將軍棄世有異平生塞外匈奴
其來成猶昨不以將軍棄世敢來人寇精靈使然也所
傷者往時威畧無由復觀青門絳水間惟有
將軍大樹落葉蕭蕭所由哀詔惜其精靈耳

高都護驄馬行

按高仙芝高麗人從軍安西節度使夫蒙靈餐薦至副
都護天寶六載仙芝討小勃律王有功授安西四鎮節
度使十載入朝公
詩當作於此時

安西都護胡青驄聲價嶽然來向東此馬臨陣久無敵與

人一心成大功

包下十句

功成惠養隨所至飄飄遠自流沙

至

申安西都護二句

雄姿未受伏櫪恩猛氣猶思戰場利

申此馬臨陣二句

句

腕促蹄高如踣鐵交河幾蹴層冰裂五花散作雲滿身

萬里相看汗流血

申足雄姿二句結還臨陣二句意

長安壯兒不敢騎走

過掣電傾城知青絲絡頭爲君老何由却出橫門道

申足功成

二句結還安西二句意

都護今日爲四鎮節度然猶是安西都護故有西域青
驄此馬出自西域聲價高矣今都護騎之入朝忽向東
來乎此馬於安西久經戰陣目無勍敵與都護一心成
掃除邊陲之大功何由忽向東來哉蓋由都護功成加
以惠養故隨其所使今日騎之人朝飄飄然自流沙東
至長安也安見臨陣無敵哉相其雄姿從未伏櫪察其
猛氣嘗在戰場則臨陣可知所由佐人成功耳雄姿猛
氣何如其脫促其蹄高踏蹶不翅也交河層冰何足當
其騰踏耶散五花成五鎗滿身皆是也萬里長途方見
流其汗血耳夫豈伏櫪不思戰場者無敵而成功有以
也然必逢惠養之人如都護然後隨其所使長安壯兒
不敢鞭策惟有掣電之姿傾動蒲城而已其意若曰我
既遇都護願青絲絡頭終身効力所借今日功成邊陲
無事忽向東來耳何由一日出長安橫門道再赴安西

庶不負都護惠養益長我西城聲價耶。○通章借馬美
仙芝與人一心成大功者似仙芝討勃律王時遣使奏
捷王帥夫蒙靈營怒仙芝不先言已遽發奏幾斬仙芝
靈營以二心疑仙芝故云然耳交河幾蹶層冰裂即指
仙芝討勃律時度坦駟嶺破阿弩城婆夷水藤橋等事
十一載仙芝爲右金吾大將軍故有青絲絡頭二句後
仙芝討安祿山以邊令誠誣奏見殺其人顛末足嘉也

兵車行

天寶十載四月鮮于仲通討南詔大敗於瀘南七月大
募兩京兵以擊之人聞雲南瘴癘莫肯應募揚國忠遣
御史分道捕人誚送軍所百姓愁怨父母
妻子送之所在哭聲震野故作兵車行

車麟麟馬蕭蕭行人弓箭各在腰耶娘妻子走相送

公自注古

樂府不聞耶娘哭子聲但聞黃河之水流殘

塵埃不見咸陽橋牽衣頓足攔道

哭哭聲直上千雲霄

以上七句作者記事以下借行人口中敘述到底

道旁過者

問行人行人但云點行頻或從十五北防河便至四十西
營田去時里正與裹頭歸來頭白還戍邊邊庭流血成海
水武皇開邊猶未已君不見漢家山東二百州千村萬落
生荆杞縱有健婦把鋤犁禾生隴畝無東西况復森兵耐
苦戰被驅不異犬與雞以上行人叙述前番戍卒即長者大敗遮南時事托之山東
雖有問役夫敢伸恨且如今年冬未休關西卒縣官急索
租租稅從何出信知生男惡反是生女好生女猶得嫁比
鄰生男埋沒隨百草君不見青海頭古來白骨無人收新
鬼煩冤舊鬼哭天陰雨濕聲啾啾以上行人叙述今番戍卒即指捕人誅軍時事

托之
青海

今日車聲轉驕馬鳴蕭蕭行人腰間各帶弓箭其
耶孃妻子相送咸陽橋時者塵埃蔽天一時行者止者
牽衣頓足攔道而哭聲徹雲霄耶道旁過者訝而問焉
行人但曰似此點兵我生以來非一次矣其中或有十
五歲者已點防河裹頭而去至今四十尚復不免而西
去屯田頭白戍邊者凡此防河屯田歿於邊者流血成
海矣武皇開邊與猶未已往日山東二百州人務耕桑
煙火相接自開邊以來防河屯田歲歲不免遂使村落
無人皆生荆棘君豈不見煩致問耶或有一二健婦不
充征戍雖把鋤犁隴畝終荒耳往日山東之卒如此況
我不幸復爲秦兵朝廷又以能耐苦戰雞犬驅之也長
者下問我本役夫雖有怨恨何敢盡言爲朝廷計此秦
兵皆耕夫假如今役不休冬租安出我耶孃妻子但知
生男好生女惡也今殊不然女得所歸男無死所彼時
青海之戰白骨成丘豈無耶孃妻子誰來收骨我今日
點名而往將來白骨料無人收當此天陰雨濕舊鬼新
鬼啾啾哭聲青海之岸不知幾
千萬也君豈不見煩致問耶

杜位宅守歲

位爲林甫婿不免附勢故爲公從兄弟直書曰杜位宅
既不弟焉又從而姓之按公於宗人未有姓之者如示
從孫濟只濟耳示姪佐只佐耳送從弟亞只亞耳寄從
孫崇簡只崇簡耳惟位往往姓之於成都寄詩曰寄杜
位於夔州寄詩曰寄杜位合之此
章命意可見後位以林甫黨從譴

守歲阿戎家椒盤已頌花盞簪喧櫪馬列炬散林鴉

四句
守歲

四十明朝過飛騰暮景斜誰能更拘束爛醉是生涯

四句
守歲

感所

歲除矣今夕守歲姑在阿戎家耳而椒花之頌已豫製
也替纓合沓廐馬交頸何姻婭之熱鬧燎火成行林鴉
爲散何氣淡之升騰阿戎家守歲如此其如我意蕭索
何自念四十強仕詰朝逾期縱曰飛騰有時榆景難挽
往日生涯猶思聞達故爲禮法所縛今已矣惟有痛飲
是我前程我守歲時感懷如此○晉宋人從弟皆稱阿
戎近註作王思遠小字阿戎思遠清介有識鑒能憂隆昌之事非杜位比

玄都壇七言六韵寄元逸人

玄都壇在長安子午谷李
白與元丹丘遊疑卽此人

故人昔隱東蒙峯已佩含景蒼精龍故人今居子午谷獨

在陰崖結茅屋

四句元逸人

屋前太古玄都壇青石漠漠常風

寒子規夜啼山竹裂王母晝下雲旗翻

四句玄都壇

知君此計

誠長往芝草琅玕日應長鐵鎖高垂不可攀致身福地何

蕭爽

四句寄詩之意

逸人學道曾隱東蒙久佩含景之劍今去東蒙來子午
谷於陰崖上結茅獨處屋前所對者玄都壇壇前所有
者一片青石耳夜聞子規聲疑裂竹晝見王母影欲翻
旗長往於此誠爲得計况芝草琅玕日生月長供其餐
服也我遙望子午谷西淵水窮處有鐵鎖高懸絕人援
引逸人置身千仞蕭爽非常真福地哉○時明皇惑於

神仙山人王玄翼紛紛以妙寶真符獻元逆
修真子午谷不作文成五利想高人一等矣

樂遊園歌

公自注晦日賀蘭
楊長史筵醉中作

樂遊古園萃森爽煙綿碧草淒淒長公子華筵勢最高秦
川對酒平如掌長生木瓢任真率更調鞍馬狂歡賞

六句總

青春波浪芙蓉園白日雷霆夾城仗闔闔晴開誅蕩蕩曲

江翠幕排銀榜拂水低回舞袖翻綠雲清切歌聲上

以上寫樂

遊園盛事邙憶年年人醉時只今未醉已先悲數莖白髮

應起二句

那拋得百罰深杯亦不辭聖朝亦知賤士醜一物自荷皇

天慈

以上宴時感懷應
公子華筵四句

此身飲罷無歸處獨立蒼茫自詠

詩

結還醉中
作詩意

園自漢宣帝時誠古矣當此晦日煙柔草萋長安士女
都會於此公子華筵遂設原上下臨秦川其平如掌乃
酌酒之具不過長生木瓢何真率也未幾鞍馬更調窮
極歡賞顧此園地近曲江卽朝廷芙蓉園所在開元間
天子築夾城自大明宮直達曲江芙蓉園今日青春波
浪掩映芙蓉之園白日雷霆震動夾城之仗夾城之仗
移而開闔門開矣蕩蕩然天體清堅自在白日雷霆之
上芙蓉之園幸而曲江幕列矣爛爛然銀榜排列若出
青春波浪之間於時拂水翻者舞袖低回綠雲上者歌
聲清切樂遊園盛事如此蓋年年有人來遊年年有人
醉此矣我對華筵懽懽賞飲未及醉悲從中來者爲此
白髮難拋耳白髮難拋亦且深盃不辭矣當此春和一
草一木皆荷皇天之慈忻然有以自樂獨我賤士見
醜聖朝今幸三賦得叨宸賞乃待命集賢又復踰年夫
豈皇天閱覆終遺賤士乎回首園中華筵已徹于朝于
市各有所歸獨此老翁終年待制一身漂薄進退兩妨
獨立蒼茫有詩成吟罷轉淒其者安在其爲樂遊園也

奉贈太常卿均二十韵

方丈三韓外崑崙萬國西建標天地濶詣絕古今迷氣得

神仙迴恩承雨露低

六句諷其以神仙媚上

相門清議衆儒術大名

齊二句

規

軒冕羅天闕琳琅識介珪伶官詩必誦夔樂典猶

稽健筆凌鸚鵡銛鋒瑩鸛鵒友于皆挺拔公望各端倪通

籍踰青瑣亨衢照紫泥靈虬傳夕箭歸馬散霜蹄能事聞

重譯嘉謨及遠黎弼諧方一展班序更何躋

以上叙張卿

適越

空顛躋遊梁竟憐懷謬知終畫虎微分是醢雞萍泛無休

日桃陰想舊蹊吹嘘人所羨騰躍事仍睽碧海真難涉青

雲不可梯顧深慙鍛鍊才小辱提携檻束哀猿叫枝驚夜

鵲棲

以上自序

幾時陪羽獵應指釣璜溪

結勉其薦賢事主

方丈崑崙崑崙皆神仙窟宅一在三韓外一在萬國西東西
建標濶絕天地雖秦皇漢武一望而迷今寶仙洞猶方
丈崑崙也張卿兄弟往求真符而即獲其神仙之氣得
之獨迥宜雨露偏垂爲天子寵眷耳然張卿本係相門
相門豈無清議張卿原有儒術儒術自可成名今乃以
神仙事上乎况一門軒冕直羅天關張卿琳琅尤爲介
珪地望華矣所賦之詩伶官爭頌所典之樂后夔咸稽
筆力縱橫凌瀾衡之賦鸚鵡詞鋒犀利若寶劍之瑩鵝
膏才情健矣而况兄弟之間莫不挺拔公輔之望各有
端倪尚公主而內庭置宅地踰青瑣兼舉士而制誥天
衢光照紫泥直至金壺傳箭之宵纔是玉勒退朝之候
恩榮盛矣文章至絕域皆傳嘉謨卽遠黎交誦弼諧之
職今日方膺班序之躋他年難量張卿宜何如報主哉
我始適越繼遊梁下第以來應詔又退画虎不成醜雞
自分已傷萍泛忽想桃陰昨者大禮三賦業動宸聰似
此吹噓人所爭羨乃獻賦以來待制集賢又經二載邇
者止送有司參列選序騰躍之事往往多睽信哉碧海
茫茫丹梯杳杳主上眷顧雖深不堪鍛鍊當事提攜誠
切自愧迂疎譬之在檻哀猿無枝夜鵲卿爲大臣有薦
賢之職者陪隄之暇應指釣璫載此老翁而去何必求

神仙於方丈

崑崙外也

敬贈鄭諫議十韵

諫官非不達詩義早知名破的由來事先鋒孰敢爭思

雲物外律中鬼神驚毫髮無遺恨波瀾獨老成

以上美野諫官

人寧得所天意薄浮生多病休儒服冥搜信客旌築居仙

縹緲旅食歲崢嶸使者求顏闔諸公厭稱衡

以上將期一自序

諾重歛使寸心傾君見途窮哭宜憂阮步兵

結出贈詩意

諫官亦達矣乃諫議不以諫官達以詩名達句無虛發七札能穿才不讓人三舍爭避思則出羣奚翅雲烟飄忽律則入細直使鬼物遁迹毫髮精工靡有遺義波瀾結構不類小家也若我宦達未能詩窮日甚野客依棲終無得所天心仁愛故薄浮生多病欲歸憂儒服之可已冥搜無地任客旌之所如乃仙居縹緲絕島難攀馬

荷崢嶸旅食有愧雖見知天子顏闔有使者之求乃待
詔集賢補衡取諸公之厭殊不知野人所望不在諸公
在諫議也荷邀一諾自傾寸心蓋諫議以詩義
早知名似能憐才者忍漠然於步兵之慟哭哉

奉贈鮮于京兆二十韵

按鮮于仲通新政富民其除京兆在李林甫初薨天寶
十一載楊國忠初拜右相以天下爲已任謬收人望時

王國稱多士賢良復幾人異才應閒出爽氣必殊倫四句
泛起

始見張京兆宜居漢近臣驂騑開道路鵬鶚離風塵侯伯

知何筭文章實致身奮飛超等級容易失沉淪脫畧磻溪

釣操持郢匠斤雲霄今已逼台衮更誰親鳳穴雛皆好龍

門客又新以上叙
鮮于義聲紛感激敗績自逡巡途遠欲何向

天高難重陳學詩猶孺子鄉賦念嘉賓不得同晁錯吁嗟

後却詵計疎疑翰墨時過憶松筠獻納紆皇眷中間謁紫

宸且隨諸彥集方凱薄才伸破膽遭前政陰謀獨秉鈞微

生常忌刻萬事益酸辛

以上自叙

交合丹青地恩傾雨露辰有

儒愁餓死早晚報平津

結還奉贈意

多士充庭賢良絕少蓋由異才間出其英爽之氣必殊
倫絕類耳今得鮮于京兆矣誠然漢張敞爲朝廷近臣
所必需者驕驕神駿獨邁前途騶騶騶騶過出塵表屈
指當今侯伯誠然更僕難數若論文章致身惟有京兆
一人起家採訪使忽節度忽京兆遷除之速一若天
家等級奮飛可超往往日沉淪客易便失失沉淪潘溪之
釣立脫郢匠之斤遂探矣超等級雲霄之地已逼台袞
之位廩親矣况有于七人皆蜚令聞且主稱元禮座鮮
雜賓我今日亦慕義聲來耳顧京兆義聲誰不感激乃
腐儒敗績輒復逡巡自鄉貢下第以來客途彌遠阮轍
多窮天路愈高雲梯何處年齒將老依然孺子之學詩
鄉賦未忘思作嘉賓於異日又自愧不得如漢之晁錯

見徵賢良晉之郗詵與選高第計疎則翰墨可疑恐有
未工也時過則松筠堪憶愛其晚節也今日獻三大禮
賦雖仰投獻納皇眷尚紆乃召試文章紫宸曾謁於是
追隨諸彥冀申微才所可歎者效已見於前也曩者破
膽作威已遭前政之媚嫉陰謀叵測久恨秉鈞之非人
臨此微生偏遭忌刻從茲萬事祇益酸辛今日待詔集
賢幸秉鈞者非復前政陰謀况京兆於秉鈞丹青之地
尤稱交合雨露之恩必有獨傾於此有人窮年旅食京
兆有薦賢之職尙其早達平津哉○史稱仲通多讀畫
故曰文章實致身史稱仲通有才智故曰操持郢匠斤
史稱仲通輕財好施薦引國忠爲章仇兼瓊畫策故曰
義聲紛感激史稱國忠德仲通故曰交合丹青地公卿
者神化之丹青

送韋書記赴安西

時以封常清爲安西節度使
使韋書記安西正赴其幕

夫子歛通貴雲泥相望懸

包下六句

白頭無藉在朱紱有哀憐

書記奏三捷公車留二年

四句分頂雲泥

欲浮江海去此別意茫

然

結還送別

我滯京邸夫子忽除書記從此一雲一泥相望懸絕夫
白頭之人無有聊藉我其泥矣夫子為書記哀憐有人
夫子其青雲哉書記之職參謀軍事夫子此行建功募
府必一赴主將即奏三捷為雲寧有量耶我待詔以來
已經二載留滯既久除授杳然殆將泥塗老矣一雲一
泥相懸如此夫子赴安西我亦浮東海從此一別東西
茫然相望不相見豈但雲泥懸絕而

投簡咸

作成字悞

華兩縣諸子

赤縣官曹擁才傑軟裘快馬當冰雪

兩縣諸子

長安苦寒誰獨

悲杜陵野老骨欲折南山豆苗早荒穢青門瓜地新凍裂

鄉里兒童項領成朝廷故舊禮數絕自然棄擲與時異况

乃疎頑臨事拙飢餓動卽向一句弊裘何啻聯百結君不見空墻日色晚此老吞聲淚垂血

以上自述投贈意

咸陽華原皆爲赤縣兩縣諸子赤縣官曹也翻翻裘馬若不知有冰雪者何苦寒之有長安中苦寒者獨杜陵野老耳况南山種豆秋來已荒青門種瓜凍地又裂人苦寒而骨折物苦寒而不生是人苦寒又苦飢矣彼鄉里兒童富貴驕人翻翻項領誰知我苦者朝廷上豈無故舊禮數亦絕蓋不合時宜臨事迂拙何怪苦飢經旬苦寒百結耶諸子裘馬之餘亦見空墻日晚時有人出涕無聲但垂血淚亦當動念也已○攤字隱作擁擠之擁才傑之路此等官曹擁擠之也前此李林甫擅權蔽王妬賢嫉能爲豆苗早荒穢之象今日楊國忠謬收人望無論賢不肖依資注官是爪地新凍裂之象此赤縣官曹鄉里兒童紛紛得志也楊惲田彼南山蕪穢不治種一頃豆落而爲其語意正同

奉畱贈集賢院崔子二學士

昭代將頭白途窮乃叫關氣衝星象表詩感帝王尊天老

書題目春官驗討論倚風遺鵬路隨水到龍門

以上集賢院召試文

章竟與蛟螭伍寧無燕雀喧青雲猶弊濶陵厲不飛翻四

止送有司儒術誠難起家風庶已存故山多藥物勝槩憶

桃源欲整還鄉旆長懷禁披垣謬稱三賦在難述二公恩

以上開贈意

我幸生昭代一身將老自歎貢舉不第應詔又斥途窮
矢適逢朝廷有享獻南郊三大禮因而叩關一時意氣
遂于星象偶然三作使動至尊於是召試文章則宰相
命題宗伯討論庶幾乘風而去騰路可遺隨水而來龍
門直到乃龍門雖到跡混蛟螭鵬路未遺喧歸燕雀今
日止送有司參列選序是青雲絕望翻飛興盡矣因念
儒術已非進焉却足猶幸家聲未墜退可傳經况多病
頻年欲採鹿門之藥冥搜有志敢述漁父之津且整歸

旂猶懷眷戀者。往日三賦謬荷。
嘑吹。今日二公實切瞻仰爾。

貧交行

翻手作雲覆手雨。紛紛輕薄何須數。君不見管鮑貧時交。

點貧交。此道今人棄如土。應輕薄句

雲雨聲勢實則虛無。故反覆無常。似此輕薄。亦何足數。
古有管鮑其感恩知我。比於父母。貧時交情。始終不易。
奈何今人棄管鮑交情如土。徒爲雲雨反覆也。

白絲行

線絲須長不須白。越羅蜀錦金粟尺。象床玉手亂殷紅。萬

草千花動凝碧。

以上言絲

已悲素質隨時染。裂下鳴機色相射。

二句

美人細意熨帖平。裁縫減盡針線跡。

二句裁

春天衣著

爲君舞蛺蝶飛來黃鸝語落花遊絲亦有情隨風照日宜

輕舉

四句

香汗清塵汚顏色開新合故置何許二句君不

見才士汲引難恐懼棄捐忍羈旅

以正意結

絲貴白今此線絲但須長不須白時好可知只須長者將來或爲越羅或爲蜀錦其長短但憑金粟尺也不須白故所染之色登之象床扞之玉手但見紅碧相亂也素質既改授之鳴機末幾裂下衆色相射織成矣美人珍重前勞加之細意熨帖安而裁縫施裁縫施而針線化細意至此衣成矣凡以爲君也乘此春光着之而舞卽蛺蝶黃鸝落花遊絲亦飛亦語若有情於此衣者然則此衣隨春風照春日飄飄輕舉亦甚愜君意哉無何汗肉侵塵外襲顏色受汚矣未幾新者登故昔棄向時紅碧置在何許卽白絲可知才士矣卽白絲之開新合故可知才士汲引難棄捐易矣時勢使然誠不足怪人情似此能無恐懼亦姑且忍而已○線絲六句比才士不能自守其故美醜妍媸與時推移蓋所望於汲引也美人六句比才士不忍自沒其長呈身識面冀投時好

蓋不知汲引之難其人也香汗二句比才士不能自保其終取舍愛憎委之時命蓋自分必遭棄捐且忍羈旅也故直接君不見二句公獻賦待制見沮時相棄捐矣尚濡遲未去者誠忍之也

陪鄭廣文遊何將軍山林十首

公自留贈崔于後還鄉旆整故山與濃貧交之傷白絲之歎既有慨言之彼何將軍於裘馬困頓時獨有漆梁見招之舉夫山林幽人逸士所棲也將軍內不在宿衛外則在邊陲將軍何以山林意者非城東種瓜之客即灞陵射虎之人將軍而山林可以知將軍之世矣

不識南塘路今知第五橋名園依綠水野竹上青霄

四句山林

谷口舊相得濠梁同見招平生爲幽興未惜馬蹄遙

四句陪遊

我旅食京華長安歲月消磨塵俗中耳南塘之路不省何處今知由第五橋去卽是也將軍山林在長安城南塢坡處卽南塘第五橋之間與有橋則有水名園一帶宛在中興有園則有竹野竹幾竿遙疑天半因顧廣文

喜其舊好，因念將軍，幸其同招，吾由城南至此，馬力能矣，但我平生最多幽興，今為幽興來遊，又何惜南塘路第五橋之遙也。○幽興二字，直貫數章。

百頃風潭上，千章夏木清。卑枝低結子，接葉暗巢鶯。承夏木

鮮鯽銀絲鱠，香芹碧澗羹。承風潭翻疑柂樓底，晚飯越中行。

結出泛舟

山林中有風潭，濶逾百頃，風潭上有夏木，清列千章，此千章木，有卑枝結子低而可摘，有密葉巢鶯暗而難窺，此百頃潭，網鯽為鱠，細若銀絲，採芹為羹，清如碧澗，於時泛舟風潭，嘗絲鱠暖芹羹，何其似越中之鱸魚、蓴菜也。當此晚飯，得此二物，何異身在越中行哉。

萬里戎王子，何年別月支。異花開絕域，承首句滋蔓匝清池。

承次句漢使徒空到，神農竟不知。申上異花開絕域露翻兼雨打，開

圻漸離披

申上滋蔓
匪清池

山林佳卉莫如戎王子矣。種自月支路遠萬里誠不知何年別彼遂至此處。既名戎王子是爲異花。應開絕域。既已別月支難免滋蔓。紛匪清池。惟開絕域故漢使到西域而未詳。神農有本草而不載。惟匪清池故露卻而漸至。開圻雨打而直至離披。似此異物遷地不良亦可慨也。○露翻二句亦是寄慨。公抱致主匡時之累三上長安扣關天高苦寒骨折至鄭道出羲皇文過屈宋乃一官獨冷每飯不足。卽如何將軍不在朝不在邊棲遲丘壑同於山林長往者無非露翻雨打。開圻離披意舊註云我讀此再四感歎甚深。

旁舍連高竹疎籬帶晚花碾深渦沒馬藤蔓曲藏蛇

四句
山林

詞賦工何益山林跡未賒盡捻書籍賣來問爾東家

四句
卜居

有山林則有舍。由山林觀旁舍盡連高竹有旁舍則有疎籬。由旁舍看疎籬總帶晚花旁舍疎籬際有碾馬處水勢漩渦深堪沒馬高竹晚花間有藤焉其下蔓延糾結曲類藏蛇山林如此我欲賦待詔不能中選詞賦

雖工其又何益爾名園樂志蕭然長往其爲跡也誠然
未除詞賦工無益書籍焉用矣山林跡未除東家可問
矣我將賣書買山結茅於此與爾爲鄰不亦可乎
○呼將軍曰爾東家可知長安道上東道不通

剝水滄江破殘山碣石開

二句山林

綠垂風坼笋紅綻雨肥梅

銀甲彈箏用金魚換酒來與移無灑掃隨意坐莓苔

六句宴

有園林必有山水山水非人工不奇今引江作池直破
滄江之水鑿石爲洞如開碣石之山人工奪造化矣於
時宴舉則疏有筍臨風初坼其綠方垂果有梅着雨方
肥其紅欲綻取諸園中笋依青梅薦豆不患其乏也狎
客則指問銀甲用以彈箏賜於斯侑主人則腰下銀魚
解之換酒既何憂未幾乘興移尊無須灑掃席苔而
坐又何適與銀魚換酒便有懶朝參意
前飯掩樓後移棘下此飲莓苔次第歷歷

風磴吹陰雪雲門吼瀑泉酒醒思臥簾衣冷欲裝綿

四句酒後

野老來看客河魚不取錢只疑淳朴處自有一山川

四句山林

每苦移尊避暑也乃竟醉矣忽焉風磴上陰雪吹來雲
門間瀑泉爲吼暑氣散酒醒矣遂思臥簟酒氣散衣冷
矣隨欲裝綿我去城市入山林頓忘炎暑覺此時一枕
在鬱攸中沃以清涼况野老不知世外有客則聚族而
觀將軍性復疎財河魚亦聽人網取似此淳朴信乎
剩水殘山不在大地山河之數而自有一山川也

棘樹寒雲色茵陳春藕香脆添生菜美陰益食單涼

四句重宴

野鶴清晨出山精白日藏石林蟠水府百里獨蒼蒼

四句山林

酒醒矣與米也因將前席再移棘下棘樹密則有寒雲
色猶是風登雲門也因於棘下再設茵陳茵陳設則有
春藕香不但綠笋紅梅也生菜既美加茵陳而美愈添
食單未涼陰棘樹而涼乃益我與將軍避暑飲此但見
野鶴乘涼越晨先出山精畏熱去日深藏只因此間開
碣石破滄江石林之奇蟠於水府去城市以來百里之
內獨此蒼蒼坐是畱連忘反云○天寶間貴戚競尚豪
侈水陸珍羞動輒牙盤數千明皇爲祿山治具陶盆飯
罌皆飾金銀公於將軍一菜一單表其餘杜良有以也單卽單

憶過楊柳渚走馬定昆池醉把青荷葉狂遺白接羅

四句憶長

安舊

刺船思郢客解水乞吳兒

二句思吳越舊遊

坐對秦山晚

結長

遊

安

江湖興頗隨

結吳越

我三上長安一身將老回首壯遊真成隔世即如長安

行樂亦曾過楊柳渚走馬於定昆池上此時醉矣把杯

不置狂矣倒帽不知往事如此今日者無復走馬之興

惟思郢客為我刺船并許吳兒愛其解水所以然者旅

食多年長安遊倦扁舟東下吳越興濃庶幾郢客為我下楚吳兒為我下姑蘇哉

床上書連屋塔前樹拂雲將軍不好武

承床上句

穉子總能文

承前句

醒酒微風入聽詩靜夜分絺衣挂蘿薜涼月白紛紛

四句

下榻

遊暮矣還顧齋中稠疊床上者書連屋耳出顧齋外掩映皆前者樹拂雲耳床上難書知將軍嬾於武事塔前

挺秀亮穉子亦必能文將軍以好武爲諱子弟以能文爲優所以山林與於時醒酒則憑微風聽詩直至靜夜風微夜靜月亦白矣絳衣蘿薛間但見月影紛紛與交亂云○唐自李林甫奏停折衝府上下魚書應募皆市井無賴子弟爲武官父兄擯不齒猛將精兵皆聚西北中國無武備矣公曰將軍不好武穉子總能文誠傷之哉公自言則曰詞賦工何益盡拾書籍賣於將軍又曰將軍不好武穉子總能文世變至此能文善武總非致具身之

幽意忽不愜歸期無奈何出門流水住回首白雲多

四句賦別

自笑燈前舞誰憐醉後歌

二句回憶

祇應與朋好風雨亦來過

二句預期

我遊山林本爲幽興乃忽然不愜者蓋因歸期已迫耳於是出門人去流水自在人不如水也於是回首人去白雲自留人不如雲也追思昨夜燈前舞祇堪自笑醉後歌更復誰憐前期已矣廣文我朋好過此以往庶幾

風雨不辭重尋舊遊哉。○首章曰平生爲幽興末章曰
幽意忽不慍首尾對照大孤山林遊宴非有閑興者不
能窮其勝公遊何將軍山林發於幽興先於首章點破
以下九章都寫幽興次章幽興溢於百頃千章寓於香
芹碧澗似矣不知登臨發極樓之想山林動越中之思
爲興真幽也三章幽興托意於萬里奇花寄傲於見開
不及似矣不知寓摧折於露翻雨打感衰頹於開圻離
披爲興更幽也四章則旁舍疎籬廣幽興於山林之左
右藏蛇沒馬窮幽興於山林之險僻似矣賣書藉悶東
家將結茅而投老其爲興也不幽之至乎五章則綠筍
紅梅涉幽興於野蔬山果金魚銀甲耽幽興於酒肆歌
場似矣無灑掃坐莓苔將忘形而肆志其爲興也不又
幽之極乎至六章幽興愴然有身世之感矣人知酒醒
於風磴之陰雪衣冷於雲門之瀑泉謂其興幽也亦曾
於慨世路之嶮巖念山川之淳朴一想其幽興否七章
幽興浩然有鑿坏之思矣人知鋪食單於棘樹之前設
生菜於寒雲之下謂其興幽也亦曾於入石林恐不密
蟠水府恐不深一繹其幽興否夫公之幽興本發於今
日之山林乃公之幽興忽移於向時之行樂南塘之路
方在眼也江湖之遊正堪思也幽興至八章而情深矣

抑公以將軍之有山林幽興忽發於宴遊乃公以將軍之在山林幽興忽移於世變武臣棄武朝廷馳構矣將門乏將邊塞失防矣幽興至九章而感深矣至十章曰幽意忽不愜歸期無奈何來時幽興忽焉而盡去時幽興無處可尋但見流水尚縈幽興白雲尚繞幽興庶幾朋好無恙風雨相期訂幽興於異日云爾重過五首三用幽興猶蒙此意

陪諸貴公子丈八溝攜妓納涼晚際遇雨二首

丈八溝舊証謂是韋堅所通之漕渠非也韋堅引滻水抵苑東望春樓爲漕名曰廣運非丈八溝又云大曆初一京兆尹奏開漕渠入苑漕八尺深一丈丈八之名始此公大曆時不在長安張禮遊城南記下杜城西別有丈八溝近第五橋

落日放船好輕風生浪遲竹深畱客處荷淨納涼時公子調冰水佳人雪藕絲

句丈八涼

片雲頭上黑應是雨催詩

結帶
遇雨

落日放船風輕浪細陪此遊者蓋爲丈八溝頭竹陰清涼是畱客處荷光明淨正納涼時耳乃荷淨可納涼矣公子更調水而佐涼竹深可畱客矣在人又雪藕而薦客當此落日輕風盪舟於竹深荷淨處調冰雪藕以爲娛公子佳人道有樂而忘返不知雨之將作者乃片雲之黑已垂頭上早爲我而催詩能無促駕早旋哉

雨來霑席上風急打船頭越女紅裙濕燕姬翠黛愁

二句承雨

來霑席上纜侵堤柳繫慢卷浪花浮

二句承風急打船頭

歸路翻蕭颯

塘五月秋

結帶涼字

雲黑雨來直霑席上雨來風急更打船頭風雨暴怒使人樂極悲生焉雨霑席上因而紅裙濕翠黛愁風打船頭因而錦纜鬆翠橋亂破塘蕭颯五月疑秋回首攜妓細涼忽焉晚際遇雨樂不可極萬事皆然何足怪哉○次章有范蠡較觴雍門鼓瑟之原五月如秋分明炎炎者無常

送張二十參軍赴蜀州因呈楊五侍御

好去張公子

領至

通家別恨添兩行秦樹直萬點蜀山尖

四句送張赴蜀

御史新馳馬參軍舊紫髯皇華我善處于汝定無

嫌

四句因呈楊五

公子此行莫傷蜀道難也願汝好去但我係通家未免別恨爲添耳公子由長安而去此間秦樹兩行夾道望蜀中而行彼處青山萬點覆天對兩行而襟分想萬點而心割我謂公子好去者有故也雖御史爲新除桓典馳馬行行參軍係往日却超紫髯種種不知皇華天使與我交情善處有素公子此行推我之愛必有相得甚歡者何嫌之有故

曰好去張公子

白水明府舊宅喜雨得過字

按天寶十三載霖雨六旬通鑑云自去歲水旱相繼關中大飢曰去歲是連十二載言十三載水災則旱災必

在十二載故雨可喜若十三載霖雨六旬何喜之有舊編誤

我舅政如此古人誰復過碧山晴又濕白水雨還多精禱

既不昧歡娛將謂何四句應我舅政如此湯年旱頗甚今日醉絃歌

二句應還古人誰復過

喜雨不於雨日先有致雨之政舅政如此雨可必矣稽之古人誰復過者碧山已晴而又濕更見雨徵白水有雨而偏多異於他郡良由一人精禱既昭明而不昧所以萬姓歡聲不謂公而謂誰古人如成湯桑林有七年之旱今日如明府白水來喜雨之歌信矣古人誰復過也

九日楊奉先會白水崔明府

時公由白水至奉先必挈妻孥寄奉先旋歸長安候官定也十三載十一月自京赴奉先詩有誰能久不顧句室家之別至於隔年亦可云久不然奉先妻子何年安頓橋陵詩後段可証

今日潘懷縣同時陸浚儀

點楊

坐開桑落酒來把菊花枝

九日

天宇清霜淨公堂宿霧披

九日

晚酣留客舞鳬鳥共

差池

結還會意

今日奉先因懷縣潘岳也同時白水亦浚儀陸雲也奉
先坐中正開劉墮桑落之酒白水適至來把陶潛菊花
之枝宴樂矣九秋天宇霜淨無塵奉先公堂霽開見日
兩公把菊酌酒直至晚酣還留我作客者而其舞一時
鳬鳥相與差池風流亦可見云

杜詩闢卷之二

終